

آبونه بدلی

برسنه لاک الی ایکی نسه سی پوسته
اجرتیه بربر بروجیه پیشین ۳۵
غروش استانبول ایچون اداره خانه
نه دن آلتیق اوزره ۲۰ غروشدهدر.

نسخه سی ۲۰ باره در

اداره خانه سی

باب عالی جاده سنده قصابر کتخانه-
سیدر. رساله یه متعلق کافه مشو-
لیت و خصر صت ایچون (قصابر
کتخانه سنه) مراجعت اولونور.

نسخه سی ۲۰ باره در

معارف

پنچشنبه کونلری نشر اولونور فنی و ادبی رساله

(محرری : خالد صفا)

بر وقتلر غزته من فلسفه یه ، فقه ، علم تربیه
اطفاله و صنایع نفیسیه یه متعلق مباحت جدیه
ومهمه ایله معارفه ایستدیکی کبی ایضای خدمته موفق
اولمش ایدی . بو کونلرده شعره متعلق اولان آثار ،
مباحث مهمه یه دائر محرراته براز غلبه چالهرق
یاواش یاواش رساله منری صرف ادبی بر غزته
صورتنه تحویل ایدرکی اولدی . معلوم یا ! غزته لر
مناع کیدر . ایستلیدیکی طرزده اعمال اولونور .
بزم نیتمز غزته یی قارئنه خدمت ایده جک
بر قابله دوکمکدر .

غزته مزده هر شیدن زیاده مباحت جدیه
کورمک آرزوسی قارئین کرامتک پک چوغنده
بردن حاصل اولمش ؛ بوکا تشکر ایدرز . بر جوق
طرفدن واقع اولان اخطارات خیر خواهانه
(معارف) حقنده بر اعتمادی متضمن اولدوغی کبی
امید بخش ترقی اوله بیله جک بر تشویق مقامنده
قائم اوله بیلدر .

بناءً علیه بو نسخه دن اعتباراً (معارف) ک
اون ایکی صحیفه سی آثار جدیه یه تخصیص اولونمشدر .
شعر و ادبیاته ده ینه لزومی قدر بر واردر .

استمزاج

فرانسزجه او قودیفکتر رومانلردن هانکیسی
بکندیکتر ؟ نیچون خوشکنزه کیتدی . ترکیه ترجمه
اولسون . تالیف ایدلمش بولنسون . هانکی
رومانی انتخاب ایدرسکنز ؟

— — — — —


افاده مخصوصه

علوم و فنونک ترقیات مهمه سی هر دقیقه تعقیب
ایدن ارباب مراقک واقع اولان اخطارات مکرره .
سنه منی (معارف) رساله سی صحیحاً بر معارف
رساله سی حاله کتیر مکچالیشیله جقدر . ذاتاً رساله منری
بر درجه یه قدر ترقیات علمیله مک عکس صداسی
اولتی ایچون تأسیس اولونمشدی . بدایت انتشارندن
بری علوم و فنونک - بویله بر غزته ایله تقدر ممکن
ایسه ؛ - تعمیمنه خدمت ایتمک ایسته مش و بو
خدمتکارلنی کیت کیده کندیسنه بر مسلک مخصوص
ایدیمشدی .

لطیف شعرلو ایلده هر زمان غزته مزه زینت
ویرمه چالسه جغز .

بالخاصه ترقیات فیه دن، فلسفه دن، انتقادات ادبیه دن
قارئین کرامی - ممکن اولدوغی قدر - خبردار
ایتمک اقصادی املمزدور .

امید ایدرزکه قارئین کرامک قنونه و مباحث
جدیده رغبتی معارفک ازدیاد شرف و حیثیتی
تامین ایدر . [۹]



بعض قوانین عمومیہ نك حادثات تاریخیه و اجتماعیه تطبیق

[مابعد]

فقط :

شئونات مدنیہ نك مناسبات متسلسله سنی
تفصیلات نالیسه سنه، جزئیاتنه وارنجیه قدر تعقیب
ایتمک انسان ایچون - هیچ اولمازسه ! - امکان
عادینک فوقده در . چونکه شئونات مذکوره
جمعیت بشریه بی تشکیل و ترکیب ایدن بونجه
انسانلرک افعال ارادیه و تشبثات شخصیه لرندن
تولد و تحصیل ایدن مناسبات نامعدوده نك محصله سی
دیمکدر . نامعدود اولان بونجه مناسبات و او

[۱۰] (بعض قوانین عمومیہ فیه نك وقوعات تاریخیه
و حادثات اجتماعیه تطبیق) یولنده رضاتوفیق بك افندی
طرفندن بعض ملاحظات فنیه معارفک قسم قیسندنه درج
اولونور ایکن محرر مقتدر نك راحت سازی حیلولت ایدرک
ملاحظات مذکوره یاریده قائلش ایدی . بو نسخه دن
اخباراً دوام اولونوغی قارئین کرامه عرض اولونور .

مناسباتی تولید ایدن بونجه مؤثرات ناصل حسابیه
کلیر ؟ ! بو درجه نفوذ ایله خصوصیات ادراک
ممکنی ؟

دنیایر سه موضوع بحث بر باشقا زمین مناقشه یه
انتقال ایتدیرلش اولور . و بویله بر مطالعه اعتراضیه
- (سوسیولوجیا حادثاتیده اصول فنییه کوره
مطالعه اولوناییلیر .) جمله سیله اختصار اولونویلم
ملاحظات سابقه می نفی ایتمز . و بناء علیه بانا
و بنم کی دوشونلره متوجه اولاماز . هم ذاتاً
بودرجه نفوذ ایله خصوصیات ادراک ممکن اولدوغی
کیم ادعا ایدیور .

فضله اوله رق بو عجز یالکنز - شئونات مدنیه
کی - معضل حادثاته مخصوص اولماسه کرک ! الک
قعاتی فن ، فن ماکنه دگی ؟ عجباً خصوصیات
فن ماکنه دها زیاده نفوذ ایده بیلمیرمی ؟ هیچ ظن
ایتمم . مهمات هر شیده هر حادثاته در بردر بناء علیه
هر قنده بردر .

بوداعایی هر کس نظر ننده مقرون حقیقت
کوستره بیله جک اولان دلائلی ابراز ایده بیلمک
ایچون بر ایکی مثال ایله مسئله بی بسط ایده جکم .
ذاتاً شو نقطه یک مهمدر .

الک زیاده عادی و بسط بیلیدیمز ، هر زمان ،
هر شیدن زیاده کوردوکر و قایلندن بر مثال اولماق
اوزره صو ایله دولو برله کن فرض ایدلم ؛ و مایعک
تلاطمی حائنده وقوعه کله جک اولان جریانلری
و سائر حادثاتی مطالعه ایدلم .

له کن ایچنده سکونت ظاهره سنی محافظه ایدن
بر صو کتله سنی تهییج ایده جک - صورتده الیزله
هر جهته دوغرو سرعتله قاریشدر ساق بر خیلی
دالغله حاصل اولور . او زمان صو بی کندی